



DEO OPTIMO MAX.  
UNI ET TRINO.  
QUÆSTIO MEDICA,

QUOD LIBETARIIS DISPUTATIONIBUS,  
*manè discutienda in Scholis Medicorum, die Martis decimâ-quintâ  
mensis Februarii, Anno Domini M. DCC. LXIII.*

P R Æ S I D E,

M. ANDREA CANTWELL,

Doctore Medico, Societatis Londinensis Socio, T. A.

*An sanitas à debito partium Teno?*

I.



T Hominem duo constituunt essentialiter diversa; alterum Spiritus, ratiocinans, immortale; alterum Materia, cogitationis incapax, corruptibile; sic duplex in illo distingui vita potest, altera Corporis, Hominis altera. Hæc in mutuo, quod mentem inter & Corpus intercedit commercio; illa in mechanico partium Corporis motu posita est. Prioris beneficio sensus & motus voluntarii perficiuntur; posterioris ista fovetur & subsistit. Illa Ho-

2

minem ab Automate discriminat, hæc corpus aptum Menti domicilium reddit. Illius tamen ista modus est & mensura : eam alterata vitiat, correctæ emendat, cessans terminat. Anima quidem Citharædi ad instar Corpori præest, illius motus dirigit, mutat, sistit, renovat; ipsius tamen status, determinatum Corporis statum individue comitatur. Consona sunt Lyre sua concordēs, dissona discordēs, tensa acutos, laxa graves, nervea submissos, ænea sonoros, argentea suaves, aurea dulcisonos modulos dabit. Sic Anima Divinæ in singulis Auræ particula, pro diversis organorum machinæ, cui unitur temperie statuque, sui compos est vel delirat, hilaris est vel mœsta, læva vel mitis, audax vel timida, perspicax vel cæca, subtilis vel hebes, vivax vel torpida, memor vel immemor, hisque ubi peccat, soli Medicinæ cœlitus demissæ datur mederi.

Corpus humanum machina hydraulico-pneumatico-elastica, duplici constatur partium genere, firmarum scilicet & fluidarum. Firmas componunt primariò Atomi eum in modum sibi appositæ & concatenatæ, ut invicem approximari, recedere, vel in diversos flecti sensus valeant. Harum adunatione exurgunt fibrillæ, quæ sui similibus artificiosè conjunctæ, varia efficiunt organa, hîc membranas, illic Stamina & filamenta porosa, alibi tubos & canales; undè nova vasa, filamenta, membranæ magis composita, quæ prout laxiùs, strictiùs, densiùs-ve sibi compinguntur, dant Musculos, Tendines, Cartilagines, Ossâ.

Vasorum extrema in minutissimas diducta latè propagines, ultimis aliorum propaginibus ita sunt continua, ut quæ dextro cordis thalamo enascitur pulmonalis arteria, venam det pulmonalem, sinistro cordis ventriculo, mediantibus sinu & auriculâ sinistris, conjungendam & quasi implantandam; Arteria verò Aorta posteriori hoc Ventriculo egressa, venam progeneret cavam dextro cordis thalamo, mediantibus sinu & auriculâ dextris, inserendam. Binas tibi finge arbores, quarum Rami ultimi, utrique communes, à Radicibus eidem vasi implantatis sobolescant, vel si mavis tubum cavo quodam exortum, principio simplicem, postea in tubos, tubulosque tandem numero serè infinitos abeuntem, recurvum in pauciores, postremo in unum, duos tresve tubos majores coalescentem, unico vel pluribus foraminibus eidem cavo inhiare; venæ & arteriæ congenerum ideam habebis. Verùm, antequàm Arteriæ in Venas mutantur, nova exurgit Arteriarum species, quæ priorum ritu in furculos divisæ, consimiles efformant venas, venis sanguiferis, receptaculis vel glandulis conglobatis inferendas. Vasa hæc Lymphatica audiunt & in plures divelli series decrescentes, ratio suadet. Horum tamen ramuli aliquot vel aperiuntur in folliculos, vel ductibus excretoriis inseruntur, vel hiant in cavitates, vel in superficies patuli desinunt, secretoriorum, excretoriorum, vel perspiratoriorum titulo insignes. Istis respondent venulæ absorbentes, infundibuliformes, ab omni habitu & cavitatum puncto in venas Lymphaticas productæ.

Fluida vasis recensitis contenta, & valvulis qualibus venæ ornantur, fulta; vi cordis agi, arteriarum systole premi, & accumbentium musculorum contractionibus cogi nequeunt, ut videri, quin antrorsum imota, viarum sequantur directiones & aperturas, strictasque prætervecta ambages, ad cor

undè prodierant, revehantur: motu hoc superflite; utcunque imperfecto; vivitur; æquabili verò & nullatenus impedito, sanitas firma stat atque integra.

## II.

**I**N Corpore humano quot Viscera tot machinæ, imò quodlibet Viscus machinularum compages. Singulis suus usus est & structura diversa. Singulis sua adsunt fluida, suus circulus. Sensui Cerebrum & Voluntatis nutui famulatur. Cordi cerebellum & Respirationi inservit. Mollius illud & Cavitatibus instructum, solidius hoc & omni cavo destitutum. Alterum comprimi vel in majorem expandi molem patitur. Alterum pressionis est & expansionis incapax. Substantia in utroque haud multum dissimilis, organa admodum diversa observantur: arbusculæ hîc & trunci; illîc Nates, Testes; Fornix, Vulva, Anus. Horum alterutro fortiter compresso, contuso planè, obstructo prorsus, vel suppurato, cessat integrè Functionum, quibus destitatur exercitium; libero, aperto, sano restituitur.... Cur in Peripneumoniâ respiratio quandoque læsa, quandoque suffocatio? Pulmones sanguini elaborando dicati, immensam singulis instantibus aëris quantitatem admittunt, sanguinisque qualibet cordis contractione tantundem, quantum in Aortam universo corpori distribuendum eructatur. Hic autem transmitti nequit, quin vel locum cedat fluidum præcedens, vel vasa infarctis collateralia eò distendantur, ut & suis & infarctorum diametris æqualem unâ quantitatem recipiant, cui & aër undiquè premens, & dolorifica fibrillarum distractione obstant. Si transudante quod liquidissimum est, reliquum crassescat, coacervetur, colligatur, serpit per lobum integrum, vel utrumque inflammatio, motus perit circulatorius, suffocatur æger. Hinc facile explicabis cur frequenti sanguinis missione, respiratio in Peripneumoniâ liberior, cur morbus quandoque profligatur? .... *Parenchymatis* structuram intimius rimare, duplicem in illo circuitum reperies, Pulmonalem alterum, alterum Bronchiale; Visceris hunc, illum totius Corporis esse: minoribus illum vasibus & Bronchiis ubique coherentibus, majoribus istum, numero ferè infinitis, singulas Bronchiorum divisiones comitantibus, & extremis ramusculis vesículas, corymbi vel retis ad instar coronantibus peragi: sanguinem illîc paucum, præparatum, fluxilem, lymphaticum, nutritium; hic multum, effusum, crassum, torpidum præparandum.... Cur ergò Peripneumonia bronchialis pulmonali levior? .... Cur sputo copioso, crasso, cito, libero, flavo, cum paucò sanguine mixto, sedetur aliquando dolor, emendetur respiratio, pulsus amplior fiat & plenior, tollatur morbus? .... Cur sputo aliquando copioso, tenui, lymphatico acri, omnia in pejus ruant?

Syncope præceps virium lapsus, & functionum cessatio, à subitaneo pavore, vel tristi ac inexpectato nuncio sæpè producit, Cardiacis itidem fugatur. In priori casu imminuto cordis motu retardatur Circuitus; in posteriori restituito acceleratur; hæc vel ipse, pulsus docet.

Non Lymphæ minùs quàm Sanguinis ad sanitatem Circulus requiritur. Hæc ab arterioso Sanguine secreta, & suis tandem munis functa, unâ sui parte inutilis & excrementitia è corpore a. g. datur, altera utilis & recrementa.

titia per venas revehitur sanguini commiscenda. Illius excretionem sistito; Rheumatismum, Febrem, Vomitus induces. Hujus reflexui obicem imposito, Anasarcam, Hydrocelem, Ascitem, Pectoris Hydropem, Hydrocephalum, pro loci varietate produces; neque hosce unquam morbos curare; quin resurgenti Lymphæ viam aperias, licebit.

### III.

**S**OLIDORUM Tonus tria dicit, tensionem, flexibilitatem & molliem. Posteriora duo à constructione fibrillarum elementari sequuntur: prius vim atomis innatam, quâ sese mutuò atrahunt, dicunt alii; alii à violento quo fibræ sunt statu, & ab Elasticitate earum nativâ deducunt. Nervum divide vel Tendinem, Arteriam transversim seca Venamve, secta protinus dehiscunt extrema. Musculum paulò profundius vulnera, nutu serè citius ità resiliunt. Vulneris labia ut excisum inde frustulum diceres. Laxatum os aliquod majusculum, Humeri v. g. vel Femoris curiosius tange, musculos quibus instruitur, breviores solito reperies, nec nisi violentâ admodum distractione producendos, ut os reponatur. Non aded tamen est violentus fibrarum status, ut distrahî ulterius nequeant, quin rumpantur. Quanta Integumentis, quanta Musculis abdominalibus ab Ascite in Hydropicis expansio inferitur; quanta Utero in gravidis à fœtu grandiore; à gemello; quanta scroto in Hernia intestinali & Hydrocele; quanta Ventriculo in Heluonibus; Intestinis à Flatibus; Glandulis colli à Scrophulis; Testium canaliculis ab humore stagnante; Præputio ab Emphysemate? Remota tamen causâ, dictæ partes ad pristinum & naturalem serè statum citò restituntur. Fibra igitur quævis vi donatur contractili, elongari reniditur, acurtari & in minorem molem reduci conatur, in vivo plus, in mortuo minus. Et hinc Cadavera procere magis statura sunt. Vis hæc Tonus est. In sanis viget, in ægris pro diverso morbi genere admodum alteratur. Neque eundem semper, vigente etiam sanitate, gradum obinet. Intensior jam, jam remissior, corporis superficiem coarctat modò & contrahit, modò relaxat atque extendit. In somnum lapsi, vel lecto recumbentes, placido dum fruimur otio, tumet manifestò Corpus, Color Faciæ & Colli roseus est & floridior, Calor totius augetur, Mador seu lenior Udor solet emanare; non exutæ vestes Molestias, non solutæ crurales fasciæ, vel fibulæ calceares intumescencias utrinque dolorificas patiunt. Frigidiori exponamur acri; confestim stringimur, pallefcit Corpus, Venæ refugiunt, eminent Papillæ, Cutisque deplumati anseris simillima evadit. Non hæc sufficiunt, Terrore perculsum, Irâ motum, Spasms agitatum, tertianæ Febris Accessione horrentem sedulus intuere; quot occurrent intensionis toni indicia? Paralyticum contemplare, ut mollescant partes, resolvuntur & tumescunt! ut flaccescunt Musculi, & è locis ossa quasi spontè elabuntur! Hominem aspice, quem diversa successivè afficiunt animi Pathemata; quot subito depressi, subitoque aucti argumenta Toni observabis! Tonum motus partium necessariò sequitur, quo fluida verberantur, eorum cursus promovetur, dirigitur, Organis & Vasis sua distribuitur fluidi ratio, generalis verbo Circuitus perficitur & favetur.

**S**INGULIS partibus Corporis nostri mollibus motus est, qui ubi manifestior systalticus, ubi obscurior Oscillatorius nuncupatur: systalticus Corde & Arteriis perspicuus in reciproca systole & diastole, vel alternâ vasorum contractione & dilatatione consistit. Oscillatorius quem villorum alii contractilitatem, alii elaterem constrictorium & expansivum, alii tandem Motum tonicum dicunt, toti fibrarum nervearum, tendinearum, muscularium & membranacearum systemati tribuitur, ab ipsarum tono potissimum pendet, & famoso apud hodiernos Physiologos Oscillationis nomine venit. Est autem Oscillatio in genere motus reciprocus, sive corporis cujusdam irus & reditus per eandem ultro citroque viam. Talem æquilibrata, sive singula ut Pendula, sive bina apposita ut duæ lances libræ, cum huc & illuc moventur, jam ascendunt vicissim & descendunt, edere videntur. Oscillatio in Machinâ humanâ, est illa ictuum successiva & æqualis determinatio, est illa solidorum, ut ita dicam, vibratio, quâ fluida premunt alternatim & verberant, quâ stringuntur alternatim ipsa, & in humores ad contactum fluentes impingunt, quâ capacitas partium tam porosarum quam tubulosarum singulis instantibus alteratur, quâ humores per illas vel diffunduntur liberius, vel inde exprimuntur. Hanc plures Autores observarunt, eandem & ratio dari evincit: Fibræ enim tensæ, flexiles & elasticæ, à fluidis perpetuò appellentibus premi, atque in motum deduci necessariò debent. Neque ea cordis est & artieriarum systole, quæ motum sanguini imprimat, unde infinitas penè dixerim resistentias partium, per quas fluit refluatque, superare valeat. Fibræ igitur omnes quasi totidem vectes in levamen & subsidium cordis multiplicati, motu hic sensibili systaltico, hic insensibili Oscillatorio, fluidorum cursum promovere, atque accelerant.

Non in motum agi tantum, sed & loca versùs determinata humores dirigi, postulat circuitus. Hinc Natura systoles & Oscillationes spiræ figuram imitari voluit, ne retrorsum æquè ac antrorsum fluida traderentur. Contractio Cordis ab apice, Arteriarum à ventriculis incipit. Partium mollium porosarum ad Venas, in Venis à Ramis ad Truncos, in Lymphaticis à Peripheriâ ad Centrum, in glandulis ad finem ductûs excretorii motus tendit. Docent hæc Autopsia, *Leuwenekii* Experimenta, Valvulæ, Analogia. Non idem ubique partium Tonus est, ne Contractiones & Oscillationes sibi non respondeant, diversæque non sint in diversis partibus energiæ, pro majori vel minori mole fluidi movendâ & communicandâ Velocitate; ut singulis nimirum diametris moles sua dispensetur. Hæc Toni & Oscillationum modificatio, Harmoniæ solida inter & solida speciem constituit. Altera requiritur species Harmoniæ, genus inter Musculosum & Nervosum, ut impetus scilicet & actio partium nervosarum & membranacearum, tono, Robori, & motui partium carnosarum sint proportionata: fibra enim omnis carnea circumvestitur membranaceâ, Musculi omnes non tantum peculiari ambiuntur membrânâ, sed & Nervi carnosam ubique musculi partem penetrant, & inter fibras ejus corrugari contrahique faciles, multiplicia, radicum arboris ad inflas



filamenta spargunt & exporrigunt, quæ fibras carneas arcuè complectuntur; interfecant atque decussant, hæc considerare licet, veluti totidem digitos singulis plectri chordis appositos, ut fibrarum tonum sustineant, motus suscitent, actiones determinent & moderentur. Eundem in finem valis sanguiferis, aliisque ductibus, & canalibus, nervi tanquam fixæ aut lora totidem injecti, arteriæ truncum constringunt, sanguinis influxum moderantur, eumque pro partium quibus destinatur exigentiis, variè dispensari faciunt. Hoc in plexibus observatu dignum, quos lora quali reduplicata meritò consideraveris, quibus vasorum motus reguntur, invigilantur, temperantur. Ejusdem usus sunt & thecæ & capsulæ, quæ ductus sanguiferos in non nullis partibus obveſtiunt.

## V.

**N**ON à vitiato solidorum Tono minùs læditur, quàm à debito constituitur & fovetur circuitus. Spasmodicæ Affectionis audi effectus, audi & Atoniæ. In illâ Tonus summè augetur, tensio adest maxima, robur nimium, & elaterium excedens; vel pars flexibilitate destituta, rigida manet, dura & immobilis. In istâ fibræ debiles & resolutæ, languet elaterium, insitulusque ad contractionem nifus vel deficit, vel imminuitur. Posterior fluida in partem relaxatam uberius admitti, segniùs propelli, & minus atteri efficit; hinc lentior motus, imminuta fluxilitas, Congestiones, Stagnationes, Corruptions, solidorum Infarctus, Obstructiones, morbi chronici, humorum Decubitus, seri Secessio, Cacochymia, Cachexia, Atrophia, Febres, & inæqualis fluidorum motus. Si initium vel medium ductus secretorii, vasive adferentis relaxetur, peragitur languidius Secretio, & Excretio imminuitur. Si excretorii ductus officium debilitetur, Excretio modum superans Diarrhæas, Sudores nimios, Egestiones copiosiores, Gonorrhæam vel Fluorem album producit. Prior humorum in parte affectâ intercepti omnino, vel impediti plurimum transitus causa est; crescente nimirum ad contractionem nifus, stringuntur Vasa, minuuntur Diametri, angustantur Cavitates, & arctantur Pori. Ubi pars rigescit, Motus perit Systalticus, retinentur in parte affectâ humores; undè stagnatio, Stasis. Ubi Contractio violentior fit, ad contactum pelluntur humores, incuneantur, compinguntur, strangulantur, & spissiores evadunt; serosa magis portio secedit & exprimitur faciliùs: hinc Concretiones, Polypi, Skirrhi, Phlogoses, Apostemata, Catarrhi, Rheumatismi & similia. Ubi obex sanguini circulanti ponitur, majori copiâ ad alias partes, & imprimis vicinas, liberiores & magis patentis ruit: unde Tensiones & Extravasationes horrendæ, Inflammationes, Mictus & Sudores sanguinolenti, Fluxus hepatici, Affecto spasmodicè nervoso genere, Contractiones accidunt violentæ Musculorum, motus saviunt Epileptici, pluraque contingunt anomala circa fluidorum progressus: Nervi enim habænarum ad instar, ductus sanguiferos ubique circumligant. Spasmo sanguiferâ, venas præsertim occupante, nova opponitur cordi Resistencia, frequentior fit & intensior motus Systalticus, sanguis ad cor ægrius revertitur serunquæ lymphatica eâ subit quantitate, ut vel in molem ex-

crescant enormem; undè Hydatides; vel nimia distensione rumpantur; unde effusiones seri; vel impacto in venis sanguine, & hinc impedito lymphæ in eas ingressu, cogitur hæc ad perspiratoria majori copia deferri; undè Hydropes. Si secretoria spasmus teneat, secernenda sanguini permixta manent & aliorum deferuntur; undè multiplex error loci, multiplex morbus. Exemplum dat Isterus à constrictis vasis Biliiferis. Ubi solida magis elastica sunt, in vividiores rapta motus, vi majori ac impetu vibrantur, suosque ictus reduplicant, Hinc auctus Fluidorum Motus & eorumdem major attritio. Sanguis majori protrusus celeritate, in immensum quasi abripitur, concutitur, & tritatur: hinc major Vasorum in Sanguinem renixus, & horum sanguinisque attritus validior ad invicem, Calores, Rubores, partium Tensiones, Ruptiones, Obstructiones, Deobstructiones, Febres, Respirationes frequentes, & anhelosas, Inflammationes, Gangrænam, Sphacelum, & ipsam sæpius mortem daturus. Dum sanguis ita agitur & atteritur, incalcescit exterius & rarefit, ut eum effervescere & ebullire quis crederet. Hinc particularum ejus dissolutio, nexûs illarum dislocatio, ejusdem resolutio in salia oleaque volatilia & acria, tandem ejus inspissatio, & sæpius lethifera exsiccatio, dissilatur aquosum, reliquum putrescit, solida ubique in contractiones rapiuntur violentas, Tonus & Structura destruntur. Audis Secretoriorum & Excretoriorum Oscillationibus, Secretio & Excretio copiosiores contingunt. Si Nervorum & membranarum Oscillationes increbrescant, convelluntur Musculi, vel contrahuntur frequentius, neque dispari modo afficiuntur Tubuli & Canales vehendis fluidis destinati. Si Oscillationum series interruptur, fluida inæqualiter premuntur, Vasque nec simultaneâ dilatatione aperiuntur, vel contractione stringuntur, sed diversos potius edunt subsultus; undè sæpius Aneurismata, Varices & Hydatides. Si Oscillationes ad perpendicularium fiant, fluida non sufficienter protruduntur, neque versûs extremitates vasorum potius quàm ad partes undè fluunt, determinantur. Inversis h. e. retroactis in systemate tubuloso, Oscillationibus, interceptiuntur Fluidorum motus progressivi, sequuntur eorum effluxus, inversiones, regurgitationes, & majorum Vasorum inundationes; undè Plethoræ, Metastases, aliorum effusiones, Catarrhi, Rheumatismi, Dolores vagi. Si ad latera detorqueantur Oscillationes, alii succis suis frustrabuntur tubuli, alienis alii turgebunt. Hinc obex in Secretoriis, vel Lymphaticis, vel Venis ipsis nascitur, undè serum sanguini permixtum manet, vel qui antea lympham admittebant tantum, ipsum jam admittunt sanguinem, sæpiusque eructant: sic in suctione fortiori Mammæ, in Venere immodicâ Testiculi, post nimiam irritationem Glandulæ intestinales sanguinem dant; vel exurgunt Rubores, Inflammationes, Exanthemata purpurea & scarlatina, Vibices, Hæmorrhagia, Dissenteria & consimilia. Oscillationum directiones in Genere nervoso, reflexæ in partibus per quas ascendunt, varios inducunt effectus; ad Caput perductæ, vel ibi subsistunt Cephalalgias, Vertigines, affectus Soporosos danturæ, vel inferiora petentes, spasmodicos generant affectus. Exempla dant Hystericæ & Epileptici: in illis quâsi globulus per guttur ascendere, in his

aura quasi frigida elevari sentitur. Perit motuum proportio dùm languent, vel omnino extinguuntur in aliqua parte, quod vel Convulsionis aut nimie Laxitatis ratione fit : hinc auctæ Oscillationes in nonnullis partibus : hinc inæqualis succorum distributio. Sublato motuum in partibus à se plurimùm remoti concentu, v. g. visceribus, non partialis tantùm sanguinis Distributio vitatur, verùm & totius Circulationis ordo naturalis læditur : Oscillationibus quippè Vasorùm diametri & constrictiones obtemperant, quæ juxtà sanguinis distributio peragitur.

*Ergò Sanitas à debito partium Tono.*

## DOMINI DOCTORES DISPUTATURI.

*M. Joannes - Ludovicus -  
Maria Solier, Schola-  
rum Professor designa-  
tus.*

*M. Henricus - Michael  
Missa, Militarium  
Nosocomiorum ad Re-  
gis Exercitum Medi-  
cus.*

*M. Joannes - Nicolaus  
Millin de la Cour-  
veault, Scholarum Pro-  
fessor designatus.*

*M. Henricus - Jacobus  
Macquart, Censor  
Regius.*

*M. Petrus - Abrahamus  
Pajon de Monceis,  
Eques, & Societatis  
Literaria Catalaunen-  
sis Socius.*

*M. Claudius - Thomas-  
Guillelmus Guilbert de  
Preval.*

*M. Andreas Camwell,  
Regis Societatis Londinen-  
sis Socius, Aclūs Preses.*

*M. Benjamin-Ludovicus  
Lucas de Laurembert,*

*M. Leander Peaget, an-  
tiguus Consiliarius Me-  
dicus Regis ordinarius  
in ejus Castellato.*

Proponebat Parisiis PHILIPPUS QUERENET, Viennensis;  
Saluberrimæ Facultatis Medicinæ Parisiensis Baccalaureus, A.R.S.H. 1763.

A SEXTA AD MERIDIEM.

---

Typis Viduæ QUILLAU, Universitatis & Facultatis Medicinæ Typographi, 1763.